

haben wolgedachte universitet und eyn erbar radt zewue dieser abrede gleichs lauts mit yhren anhangenden insiegel und stadtsecret becreffüget, deren eyne die universitet und dye andere der radt behalten. Geschehen alhir zcu Leiptzk am tage Matthie apostoli den vier und zewentzigsten february, nach Christi unsers lieben herren geburt im tausent funffhundert sechs und vierzigsten iare.

5

464.

Herzog Moritz überträgt der Universität die Aufsicht über die Schulen zu Meissen und Pforta.
Leipzig, 1546 März 27.

Hilschr.: Copiale magnum T. I, fol. 133^b—134^a.

Von gots gnaden Moritz herzcogk zcu Sachssen ꝛc.

10

Unsern grus zcuorn. Wirdigen und hochgelerten, lieben, andechtigen und getreuen. Nachdem wir got zcu lobe zewue neue schulen auffgerichtet, dorinne die iugent in gutten sitten und künsten soll underweyset werden, als kümmen wir in erfahrung, das allerlei gebrechen der lerer und auch der knaben halben voffallen, domit demienigen was unsere meynung mit sich bringet und auch die notturfft erfordert nicht nachge- 15
gangen wirdet, dorumb zzeitlichs eynsehens vonnöthenn, auff das entweder die schulen nicht zcue gehen aber die unkost vorgeblich angewant werde. Derwegen ist unser be-
gern, das yhr und eur nachkümmen nue hinfürder ierlichen etzliche personen aus den faculteten vorordent, welche alle iar zcum wenigsten zewue beyde schulen zcu Meissen und zcu der Pforten auff der schulen unkost visitiren und do sie mangel an den lerern 20
ader den knaben befinden sulchs gebürlich, auch im fall der notturfft die personen abschaffenn, wie dan unsere ernste und gantzliche meynung ist, das dieienigen so zcu
lehren ungeschickt, desgleichen die knaben die nicht studiren oder studiren können, ungeachtet wem sie angehören, in sulchen schulen nicht sollen geliden werden, das auch
sunst unserm außschreyben in allewege nachgegangen und szunderlich in den schulen guth 25
zcucht gehalten und die knaben zcu gottesforcht, auch teglich in der kirchen zcu singen und zcu beten underweyset und vleissigk darzcu gehalten werden. Wue es auch nodt
müget yhr uns berichten, dan wollen wir es an gebürlichem eynsehen nicht erwinden lassen. Solt es aber also fallen, das euret ader derienigen halbenn die yhr vorordenen werdet
ainicher gebrech ader nachlessigkeit vormerckt, so würden wir des der personen und 30
auch der schulen halbenn allerlei bedengken haben, welchs wir euch darnach zcu richten genediger meynung nicht vorhalten wollen. Datum Leiptzk den sieben und zewentzigsten
tagk des monats martii anno ꝛc. XLVI.

M. h. z. Sachssen m. pp. ss.

Denn wirdigen und hochgelerten unsern lieben andechtigen und getreuen rectori, 35
magistris und doctorn unser universitet zcu Leiptzk.